

# MISSÆ PROPRIÆ DIOCESESIS ESSENDIENSIS

Die 2 decembris	
S. PETRI CHRYSOLOGI EP., C. ET ECCL. DOCT.	
III classis	
Ut in Missali die 4. Et fit com- memoratio feriæ Adventus et S. Bibianæ Virg. et Mart.	
Die 4 decembris	
S. BARBARÆ VIRG. ET MART.	
III classis	
Missa Loquébar, de Communi Virg. 1 loco.	
Die 1 martii	
S. SUITBERTI EP. ET CONF.	
III classis	
Missa Státuit, de Communi Confessoris Pontificis 1 loco.	
Die 15 martii	
S. CLEMENTIS MARIÆ HOFBAUER CONF.	
III classis	
Missa Iustus, de Communi Confessoris non Pontificis 2 loco, cum orationibus ut infra:	

Oratio P  
Deus, qui beátum Clemén-  
tem Mariam miro fidei ró-  
bore et invictæ constántiæ vir-  
tute decorásti: eius méritis et  
exémplis fac nos, quæsumus,  
ita fortes in fide et caritáte fer-  
ventes; ut præmia consequá-  
mur ætérrna. Per Dóminum  
nostrum Iesum Christum Fi-  
lium tuum, qui tecum vivit et  
regnat in unitáte Spíritus.

Secreta P  
Ille nos, quæsumus, Dómine,  
devotiónis ignis accéndat: quo  
beátus Clemens María, dum  
salutárem offérret hóstiam, iú-  
giter flagrávit. Per Dóminum  
nostrum Iesum Christum Fi-  
lium tuum, qui tecum vivit et  
regnat in unitáte Spíritus.

Postcommunio P  
Caelésti pane reféctis concéde  
nobis, omnípotens Deus: ut  
beáti Cleméntis exémplo, in  
fortitúdine cibi illius usque ad  
montem, qui Christus est, felí-  
citer perveniámus: Qui tecum.

Die 26 martii  
 S. LUDGERI  
 EP. ET CONFESSORIS  
 Patroni secundarii diœcesis  
 II classis

Antiphona ad Introitum  
 Is. 51, 3

**P**ósuit Dóminus desértum  
 quasi delícias, et solitúdi-  
 nem eius quasi hortum Dó-  
 mini. Gáudium et lætitia in-  
 niétur in ea, gratiarum áctio et  
 vox laudis. (T. p. Allelúia, al-  
 lelúia.) Ps. 97, 1 Cantáte Dó-  
 mino cáanticum novum: quia  
 mirabilia fecit. **V.** Glória Patri.

Oratio

**D**eus, qui beátum Ludgérum  
 Antistitem assídum veri  
 lúminis amatórem et præcó-  
 nem effecisti: concéde; ut eius  
 exémplis et oratióne suffúlti,  
 firmi in fide inveniámur et cari-  
 tatis fervóre succénsi. Per Dó-  
 minum nostrum.

Et, tempore quadragesimali,  
 fit commemoratio feriæ.

Léctio Epístolæ  
 beáti Pauli Apóstoli  
 ad Thessalonicénses  
 1 Thess. 2, 8-13

**F**ratres: Ita desiderántes vos,  
 cùpide volebámus trádere  
 vobis non solum Evangélium

Dei, sed étiam áimas nostras:  
 quóniam caríssimi nobis facti  
 estis. Mémores enim estis, fra-  
 tres, labóris nostri et fatigatió-  
 nis: nocte ac die operántes, ne  
 quem vestrum gravarémus,  
 prædicávimus in vobis Evan-  
 gélium Dei. Vos testes estis,  
 et Deus, quam sancte et iuste  
 et sine queréla vobis, qui cre-  
 didistis, fúimus: sicut scitis,  
 quáliter unumquémque ve-  
 strum, sicut pater filios suos,  
 deprecántes vos et consolán-  
 tes, testificáti sumus, ut ambu-  
 larétis digne Deo, qui vocávit  
 vos in suum regnum et glóriam.  
 Ideo et nos grátias ágimus  
 Deo sine intermissióne: quón-  
 iam cum accepissétis a nobis  
 verbum auditus Dei, accepistis  
 illud non ut verbum hóminum,  
 sed sicut est vere, verbum Dei,  
 qui operátur in vobis, qui cre-  
 didistis.

Graduale            Ps. 125, 2-3

Replétum est gáudio os no-  
 strum, et lingua nostra exsul-  
 tatióne. **V.** Magnificávit Dó-  
 minus fácere nobiscum: facti  
 sumus lætantes.

Tractus            Ps. 4, 4, 7, 9-10  
 Scítote, quóniam mirificávit  
 Dóminus sanctum suum: Dó-

minus exáudiet me, cum clámávero ad eum. ¶ Signátum est super nos lumen vultus tui, Dómine: dedísti lætitiam in corde meo. ¶ In pace in idípsum dórmiam et requiéscam; quóniam tu, Dómine, singuláriter in spe constituísti me.

Tempore paschali, omissis graduális et tractu, dicitur:

Allelúia, allelúia. ¶ Ecce sa-cérdos magnus, qui in diébus suis plácuit Deo. Allelúia. ¶ Hic est sa-cérdos, quem corona-vit Dóminus. Allelúia.

In Missis votivis ante Septua-gesimam vel post Pentecosten, graduale ut supra, sed, omissa tractu, dicitur:

Allelúia, allelúia. ¶ Ecce sa-cérdos magnus, qui in diébus suis plácuit Deo. Allelúia.

+ Sequéntia sancti Evangélii secúndum Lucam

Luc. 4, 16-21

In illo témpore: Venit Iesus Názareth, ubi erat nutritus, et intrávit secúndum consue-túdinem suam die sábbati in synagógam, et surréxit légere. Et tráditus est illi liber Isaíæ Prophétæ. Et ut revólvit li-brum, invénit locum, ubi scrip-tum erat: Spíritus Dómini su-

per me; propter quod unxit me, evangelizáre paupéribus misit me, sanare contritos corde, prædicáre captívis remissió-nem, et cæcis visum, dimíttere confráctos in remissiónem, prædicáre annum Dómini ac-céptum, et diem retributiónis. Et cum plicuisset librum, red-didit ministro et sedit. Et óm-nium in synagóga óculi erant intendéntes, in eum. Cœpit au-tem dicere ad illos: quia hódie impléta est hæc Scriptúra in áuribus vestris.

#### Antiphona ad Offertorium

Is. 56, 7

Addúcam eos in montem sanc-tum meum, et lætificábo eos in domo oratiónis meæ: holocáu-sta eórum et víctimæ eórum placébunt mihi super altári meo. (T. p. Allelúia.)

#### Secreta

**O**pus bonum, quod cœpisti in nobis, Deus miserátor, beáto Ludgéro intercedénte propítius proséquere usque in diem Christi: et nosmetípsos, maiestáti tuæ hæc dona defe-rentes, perfice munus ætérnum. Per eúndem Dóminum.

Et, tempore quadragesimali, fit commemoratio feriæ.

Antiphona ad Communionem

Ier. 31, 10-12

Congregábit eos et custódiet sicut pastor gregem suum. Et cónfluent ad bona Dómini super fruménto et vino et óleo: erítque ánima eórum quasi hor-tus irríguus, et ultra non esú-rient. (T. p. Allelúa.)

Postcommunio

**D**eus, qui nos per beátum Ludgérum Antistitem ad fidei glóriam evexisti: concéde propítius; ut ipso duce, mirá-bili fidei mystério sagináti, ad vitam pertingámus ætérnam. Per Dóminum nostrum Iesum Christum Filium tuum, qui tecum vivit et regnat in unitáte Spíritus Sancti, Deus, per ómnia sǽcula sǽculórum.

Et, tempore quadragesimali, fit commemoratio feriæ.

Die 7 aprilis  
S. HERMANNI IOSEPHI  
CONFESSORIS

III classis

Missa Os iusti, de Communi Confessoris non Pontificis 1 loco, præter orationem sequen-tem:

Oratio

P

**D**eus, qui beátum Hermán-num Ioséphum Confes-sórem tuum in benedictióni-bus dulcéinis a pueritia præ-venisti: præsta, quæsumus; ut innocéntis et sanctæ vitæ eius vestigiis insisténtes, ad cælé-stem pátriam, in qua gloriósus exsúltat, secúri perveniámus. Per Dóminum nostrum.

Secreta

C

Laudis tibi, Dómine, hóstias immolámus in tuórum comme-moratióne Sanctórum: quibus nos et præséntibus éxui malis confidimus et futúris. Per Dó-minum nostrum.

Postcommunio

C

Refécti cibo potúque cælesti, Deus noster, te súpplices ex-orámus: ut, in cuius hæc com-memoratióne percépimus, eius muniámur et précibus. Per Dó-minum nostrum.

Die 22 aprilis  
S. CONRADI A PARZHAM  
CONFESSORIS

III classis

Missa Os iusti, de Communi Confessoris non Pontificis 1 loco, præter orationes sequen-tes:

## Oratio

P

**D**eus, qui misericórdiæ tuæ iánuam fidélibus patére voluisti: te súpplices exorámus; ut, intercedénte beáto Conrádo Confessóre tuo, temporália subsídia nobis tribuas et ætérrna. Per Dóminum.

Et fit commemoratio Ss. Soteris et Caii Pp. et Mart.:

## Oratio

Gregem tuum, Pastor ætérrne, placátus inténde: et per beátos Sotérem et Caium Mártyres tuos atque Summos Pontífices, perpétua protectióne cu-stódi; quos totius Ecclésiæ præstítisti esse pastóres. Per Dñm.

## Secreta

P

**O**blatiónes nostraras tibi, Dómine, quásumus, beáti Conrádi intercéssio veneránta comméndet: quem coram tuis altáribus precántem supernórum charísmatum dulcédine recreásti. Per Dóminum.

Pro Ss. Soteri et Caio

## Secreta

Oblátis munéribus, quásumus, Dómine, Ecclésiam tuam be-nígnus illúmina: ut, et gregis tui proficiat ubique succéssus, et grati fiant nómini tuo, te gu-bernánte, pastóres. Per Dñm.

## Postcommunio

P

**S**úmpsímus, Dómine, tua sancta, beáti Conrádi mérita recoléntes: præsta, quásu-mus; ut eius semper et præcláro proficiámus exémplo et fi-déli muniámur auxílio. Per Dó-minum nostrum.

Pro Ss. Soteri et Caio

## Postcommunio

Refectíone sancta enutritam gubérna, quásu-mus, Dómine, tuam placátus Ecclésiam: ut, poténti moderatíone dirécta, et increménta libertatis acci-piat et in religiónis integritáte persístat. Per Dóminum.

Die 27 aprilis

S. PETRI CANISII

CONF. ET ECCL. DOCT.

## II classis

Antiphona ad Introitum

Eccli. 15, 5

**I**n médio Ecclésiæ apéruit os eius: et implévit eum Dómi-nus spíritu sapiéntiæ et in-telléctus: stolam glóriæ induit eum. (T. p. Allelúia, allelúia.) Ps. 91, 2 Bonum est confitéri Dómino: et psállere nómini tuo, Altíssime.

V. Glória Patri.

## Oratio

**D**eus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; et eius exémplis et móntis errántes ad salútem resipiscant, et fidéles in veritatis confessióne persevérant. Per Dóminum nostrum Iesum Christum Filium tuum, qui tecum vivit et regnat.

Léctio Epistolæ  
beati Pauli Apóstoli  
ad Timótheum  
2 Tim. 4, 1-8

**C**aríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus et regnum eius: prædica verbum, insta opportúne, importúne: árgue, óbsecra, íncrepa in omni patiéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magístros, pruriéntes áuribus, et a veritatē quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego

enim iam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiae, quam reddet mihi Dóminus in illa die, iustus iudex: non solum autem mihi, sed et iis, qui diligunt advéntum eius.

## Tempore paschali:

Allelúa, allelúa. ¶ Ps. 118, 46 Loquébar de testimóniis tuis in conspéctu regum, et non confundébar. Allelúa. ¶ 1Cor. 9, 22 Omnia ómnibus factus sum, ut omnes fácerem salvos. Allelúa.

In Missis votivis extra tempus paschale dicitur

## Graduale

Ps. 118, 129-130

Mirabília testimónia tua, Dómine, ídeo scrutáta est ea ánima mea. ¶ Declarátio sermónum tuórum illúminat et inteléctum dat párvulis.

Allelúa, allelúa. ¶ Ps. 108, 30 Confitébor Dómino nimis in ore meo: et in médio multórum laudábo eum. Allelúa.

Post Septuagesimam, omissis Allelúa et versu sequenti, dicitur

## Tractus

Ps. 118, 104, 105 et 158

A mandatis tuis intelléxi, prop térea odívi omnem viam iniquitatis. **V.** Lucérna pédibus meis verbum tuum, et lumen sémitis meis. **V.** Vidi prævaricántes et tabescébam, quia elóquia tua non custodiérunt.

**+** Sequéntia sancti Evangélii secúndum Mattháeum  
Matth. 5, 13-19

In illo tempore: Dixit Iesus discípulis suis: Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona et gloríficent Patrem vestrum, qui in cælis est. Nolite putare, quóniam veni sólvere legem aut prophétas: non veni sólvere, sed adimplére. Amen, quippe dico vobis, donec tránseat cælum et terra, iota unum aut

unus apex non præteribit a lege, donec ómnia fiant. Qui ergo sólverit unum de mandatis istis mínimis, et docúerit sic homines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

## Antiphona ad Offertorium

Ps. 33, 12

Veníte, filii, audite me: timórem Dómini docébo vos. (T. p. Allelúia.)

## Secreta

Sanctifica, misericors Deus, hæc múnera tibi oblata, et Ecclésiæ tuæ, beáto Petro intercedénte, unitatis et pacis propítius dona concéde. Per Dóminum nostrum.

## Antiphona ad Communionem

Is. 12, 3

Hauriéatis aquas in gáudio de fóntibus Salvatóris. (T. p. Allelúia.)

## Postcommunio

Sacrificium, Dómine, quod in honórem beáti Petri Confessóris tui atque Doctóris obtúlimus: fidem nostram, spem et caritátem áugeat, et Ecclésiam tuam nova semper prole lætíficet. Per Dóminum nostrum.

Die 5 iunii  
**S. BONIFATII**  
**EP. ET MARTYRIS**

II classis

Ut in Missali hoc die.

Die 4 iulii  
**S. UDALRICI**  
**EP. ET CONFESSORIS**

III classis

Missa Státuit, de Communi  
 Confessoris Pontificis 1 loco,  
 præter orationem sequentem:

Oratio

**D**eus, qui cónspicis, quia ex  
 nulla nostra virtúte sub-  
 sístimus: concéde propítius;  
 ut, intercessióne beáti Udal-  
 rici Confessóris tui atque Pon-  
 tificis, contra ómnia advérsa  
 muniámur. Per Dóminum.

Secreta C

Sancti tui, quásumus, Dómi-  
 ne, nos ubíque lætífacent: ut,  
 dum eórum mérita recólimus,  
 patrocínia sentiámus. Per Dó-  
 minum nostrum.

Postcommunio C

Præsta, quásumus, omnípo-  
 tens Deus: ut, de percéptis  
 munéribus grátias exhibéntes,  
 intercedénte beáto Udalrico  
 Confessóre tuo atque Ponti-

fice, benefícia potióra sumá-  
 mus. Per Dóminum.

Die 8 iulii  
**IN DEDICATIONE**  
**ECCLESIAE**  
**CATHEDRALIS**

I classis

Missa Terribilis, de Communi  
 Dedicationis Ecclesiæ.

Die 23 iulii  
**S. LIBORII EP. ET CONF.**  
 III classis

Antiphona ad Introitum  
 Ps. 88, 20-22

**E**xaltávi eléctum de plebe  
 mea, óleo sancto meo unxi  
 eum; manus enim mea  
 auxiliábitur ei, et bráccium  
 meum confortábit eum. Ps.  
 ibid., 2 Misericórdias Dómini  
 in æténum cantábo.

V. Glória Patri.

Oratio

**O**mnipotens sempitérne De-  
 us, qui Ecclésiam tuam in  
 confessióne sancti nóminis tui  
 solidásti: præsta, quásumus;  
 ut, quæ sancti Libórii Confes-  
 sóris tui atque Pontificis ánnua  
 récolit sollémnia, eius apud te  
 suffrágiiis ab omni mereátur  
 adversitáte liberári. Per Dó-  
 minum nostrum.

Et fit commemoratio S. Apollinaris Ep. et Mart.:

Oratio

Deus, fidélum remunerátor animárum, qui hunc diem beátí Apollináris Sacerdótis tui martyrio consecrásti: tribue nobis, quæsumus, fámulis tuis; ut, cuius venerándam celebrámus festivitátem, précibus eius indulgéntiam consequámur. Per Dóminum nostrum.

Léctio Epistolæ  
beáti Pauli Apóstoli  
ad Timótheum

1 Tim. 3, 1-7

**C**aríssime: Fidélis sermo: Si quis episcopátum desiderat, bonum opus desíderat. Opórtet ergo episcopum irreprehensibilem esse, unius uxoris virum, sóbrium, prudéntem, ornátum, pudicum, hospitálem, doctórem, non vinoléntum, non percussórem, sed modéstum, non litigiósum, non cúpidum, sed suæ dómui bene præpósitum, filios habéntem súbditos cum omni castitáte. Si quis autem dómui suæ præ-esse nescit, quómodo Ecclésiæ Dei diligéntiam habébit? Non néophytum; ne, in supérbiā elátus, in iudicium ícidat diá-

boli. Opórtet autem illum et testimónium habére bonum ab iis, qui foris sunt, ut non in opprobrium ícidat et in láqueum diáboli.

Graduale Eccli. 49, 12

Ossa Prophetárum púllulent de loco suo, nam corroboravérunt Iacob, et redemérunt se in fide virtútis. V. Ibid., 18 Ossa ipsius visitáta sunt, et post mortem prophetavérunt.

Allelúia, allelúia. V. Matth. 11, 5 Cæci vident, claudi ábulant, leprósi mundántur, surdi áudiunt. Allelúia.

+ Sequéntia sancti Evangélii secúndum Matthéum  
Matth. 25, 14-23

**I**n illo témpore: Dixit Iesus discípulis suis parábolam hanc: Homo péregre profíscens, vocávit servos suos, et trádidit illis bona sua. Et uni dedit quinque talénta, álli autem duo, álli vero unum, unicuique secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Similiter et qui duo accéperat, lucrátus est ália duo. Qui autem unum accépe-

rat, ábiens fudit in terram, et abscóndit pecúniam dómíni sui. Post multum vero témporis venit dómínu servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dómínu eius: Euge, serve bone et fidélis, quia super pauca fuísti fidélis, super multa te constítuam: intra in gáudium dómíni tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, ália duo lucrátus sum. Ait illi dómínu eius: Euge, serve bone et fidélis, quia super pauca fuísti fidélis, super multa te constítuam: intra in gáudium dómíni tui.

## Antiphona ad Offertorium

Eccli. 50, 15-17

Consummatíone fungens in ara, effúdit in fundaménto altáris odórem divínū excélso Príncipi.

## Secreta

Pópolo tuo, Dómine, munéri- bus sacris placátus inténde; et, quæ sancti Libórii Confes- sórís tui atque Pontíficis com-

memoratióne sunt obláta, ad cælestia nos súblevent sacra- ménta. Per Dóminum.

Pro S. Apollinare  
Secreta

Réspice, Dómine, propítius super hæc múnera: quæ pro beáti Sacerdótis et Mártyris tui Apollináris commémoratióne deférimus, et pro nostris offensióibus immolámus. Per Dóminum nostrum.

Antiphona ad Communionem  
Dan. 3, 84

Benedícite, sacerdótes Dómi- ni, Dómino: laudáte et super- exaltáte eum in sácula.

## Postcommunio

Præsta, quæsumus, ineffábili cleméntia tua, omnípotens Deus: ut, beáti Libórii Confes- sórís tui atque Pontíficis tuti præsidio; cum eo in Sanctórum tuórum gaudeámus consórtio. Per Dóminum nostrum.

Pro S. Apollinare  
Postcommunio

Tua sancta suméntes, quæsumus, Dómine, ut beáti Apollináris nos fóveant continuáta præsidia: quia non désinis propítius intuéri, quos tálibus auxíliis concésseris adiuvári. Per Dóminum nostrum.

Die 13 septembris  
S.MATERNI EP. ET CONF.

III classis

Antiphona ad Introitum  
Eccli. 45, 30

**S**tátuit ei Dóminus testamén-  
tum pacis, et principem fe-  
citeum: ut sit illi sacerdótiī  
dignitas in æténum. Ps. 131,  
1 Meménto, Dómine, David:  
et omnis mansuetúdinis eius.

V. Glória Patri.

Oratio

**D**eus, qui diversárum natió-  
num pópolis præcláros  
veræ fidei constituísti doctó-  
res: præsta, quæsumus; ut om-  
nes, qui ad beáti Matérni Con-  
fessóris tui atque Pontificis fe-  
sta convéniunt, præsentis pro-  
speritátem vitæ et futúram æ-  
térnæ beatitúdinis glóriam  
consequántur. Per Dóminum.

Léctio Epístolæ beáti Pauli  
Apóstoli ad Hebráeos  
Hebr. 13, 7-17

**F**ratres: Mementóte præposi-  
tórum vestrórum, qui vobis  
locúti sunt verbum Dei: quo-  
rum intuéntes éxitum conver-  
sationis, imitámini fidem. Ie-  
sus Christus heri et hódie: ipse  
et in sǽcula. Doctrínis váriis et  
peregrínis nolite abdúci. Opti-

mum est enim grátia stabilire  
cor, non escis, quæ non pro-  
fuérunt ambulántibus in eis.  
Habémus altáre, de quo édere  
non habent potestátem, qui ta-  
bernáculo desérviunt. Quorum  
enim animálium infértur san-  
guis pro peccáto in Sancta per  
pontíficem, horum cónpora cre-  
mántur extra castra. Propter  
quod et Iesus, ut sanctificáret  
per suum sanguinem pópu-  
lum, extra portam passus est.  
Exeámus igitur ad eum extra  
castra, impropérium eius por-  
tantes. Non enim habémus hic  
manéntem civitátem, sed futú-  
ram inquirimus. Per ipsum  
ergo offerámus hóstiam laudis  
semper Deo, id est, fructum  
labiórū confiténtium nómini  
eius. Beneficéntiæ autem et  
communiónis nolite obliviisci:  
tálibus enim hóstiis promeré-  
tur Deus. Obœdite præpósitis  
vestris, et subiacéte eis. Ipsi  
enim pervigilant, quasi ratió-  
nem pro animábus vestris red-  
ditúri.

Graduale                    Eccli. 44, 16

Ecce sacérdos magnus, qui in  
diébus suis plácuit Deo. V.  
Ibid., 20 Non est invéntus si-  
milis illi, qui conserváret legem  
Excélsi.

Allelúia, allelúia. V. Ps. 109, 4  
 Tu es sacérdos in ætérnum  
 secúndum órdinem Melchise-  
 dech. Allelúia.

+ Sequéntia sancti Evangélii  
 secúndum Matthæum  
 Matth. 25, 14-23

In illo témpore: Dixit Iesu s discípulis suis parábolam hanc: Homo péregre profici-scens, vocávit servos suos, et trádidit illis bona sua. Et uni dedit quinque talénta, álli au-tem duo, álli vero unum, uni-cuique secúndum própriam virtútem, et proféctus est sta-tim. Abiit autem qui quinque talénta accéperat, et operátus est in eis, et lucrátus est ália quinque. Similiter et qui duo accéperat, lucrátus est ália duo. Qui autem unum accépe-rat, ábiens fodit in terram, et abscóndit pecúniam dómini sui. Post multum vero témporis venit dóminus servórum illó-rum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómi-ne, quinque talénta tradidisti mihi, ecce, ália quinque super-lucrátus sum. Ait illi dóminus eius: Euge, serve bone et fidélis, quia super pauca fuísti fidélis, super multa te constituam: intra in gáudium domini tui.

lis, super multa te constituam: intra ingáudium dómini tui. Ac-céssit autem et qui duo talénta accéperat, et ait: Dómine, duo talénta tradidisti mihi, ecce, ália duo lucrátus sum. Ait illi dóminus eius: Euge, serve bone et fidélis, quia super pau-ca fuísti fidélis, super multa te constituam: intra in gáudium domini tui.

Antiphona ad Offertorium  
 Ps. 88, 21-22

Invéni David servum meum,  
 óleo sancto meo unxi eum:  
 manus enim mea auxiliábitur  
 ei, et bráccium meum confor-tábit eum.

Secreta

Sancti Matérni Confessóris tui  
 atque Pontíficis, quásu-mus, Dómine, ánnua sollémni-tas pietáti tuæ nos reddat ac-céptos: ut per hæc piæ placa-tiónis offícia, et illum beáta re-tribútio comítétur, et nobis grátiæ tuæ dona concílet. Per Dóminum nostrum.

Antiphona ad Communionem  
 Luc. 12, 42

Fidélis servus et prudens,  
 quem constituit dóminus super  
 famíliam suam: ut det illis in  
 témpore trítici mensúram.

## Postcommunio

**D**eus, fidélium remunerátor animárum: præsta; ut hæc sancta, quæ súmpsímus, beátó Matérno Confessóre tuo atque Pontífice intercedénte, nobis profícient ad médalam. Per Dóminum nostrum Iesum Chri-stum Filium tuum, qui tecum vivit et regnat.

Die 17 septembbris

S. HILDEGARDIS VIRG.

## III classis

## Antiphona ad Introitum

Ps. 72, 28

**M**ichi autem adhærére Deo bonum est, pónere in Dómino spem meam: ut annúntiem omnes prædicátiōnes tuas in portis fílliæ Sion. Ps. ibid., 1 Quam bonus Israel Deus his, qui recto sunt corde.

V. Glória Patri.

## Oratio

**D**eus, qui beátam Hildegárdem Virginem tuam donis cælestibus decorásti: tribue, quæsumus; ut, eius vestigiis et documéntis insisténtes, a præ-séntis sǽculi caligine ad lucem tuam delectáibilem transíre mereámur. Per Dóminum.

Et fit com. Impressionis Ss. Stigmatum S. Francisci Conf.:

## Oratio

Dómine Iesu Christe, qui, fri-gescénte mundo, ad inflam-mandum corda nostra tui amóris igne, in carne beatíssimi Francisci passiónis tuæ sacra Stigmata renovásti: concéde propítius; ut eius méritis et pré-cibus crucem iúgiter ferámus, et dignos fructus pæniténtiæ faciámus: Qui vivis.

Léctio Epístolæ  
beáti Pauli Apóstoli  
ad Corínthios

1 Cor. 1, 26-29

Vidéte vocatióne vestram, fratres, quia non multi sa-pientes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: et infírma mundi elégit Deus, ut confúndat fór-tia: et ignobília mundi et con-tempfibilia elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius.

## Graduale

Cantic. 3, 4 et 6, 2

Invéni quem díligit áнима mea:  
ténui eum, nec dimittam. V.

Ego dilécto meo, et diléctus  
meus mihi, qui páscitur inter  
lilia.

Allelúia, allelúia. V. Is. 61, 10  
Exsultábit áнима mea in Deo  
meo, quia induit me vestimén-  
tis salútis, quasi sponsam or-  
nátam monílibus suis. Allelúia.

In Missis votivis post Septua-  
gesimam, omissis Allelúia et  
versu sequenti, dicitur

Tractus Sap. 4, 1-3  
O quam pulchra est casta ge-  
neratio cum claritáte: immor-  
tális est enim memória illius,  
quóniam et apud Deus nota  
est, et apud hómines. V. Cum  
præsens est, imitántur illam,  
et desiderant eam, cum se  
edúixerit. V. Et in perpétuum  
coronáta triúmphat, incoinqui-  
natórum certáminum præmia  
vincens.

Tempore autem paschali omit-  
titur graduale, et eius loco di-  
citur:

Allelúia, allelúia. V. Ps. 30,  
22 Benedictus Dóminus: quón-  
iam mirificávit misericórdiam  
suam mihi in civitáte muníta.  
Allelúia. V. Prov. 4, 9 Lætáre,  
mater nostra, quia dabit Dó-  
minus cápti tuo augménta gra-  
tiárum, et coróna íclita pró-  
teget te. Allelúia.

+ Sequéntia sancti Evangélii  
secúndum Matthæum

Matth. 25, 1-13

In illo témpore: Dixit Iesus  
discípulis suis parábolam  
hanc: Símile erit regnum cæló-  
rum decem virginibus: quæ,  
acciéntes lámpades suas,  
exiérunt óbviā sponso et  
sponsæ. Quinque autem ex eis  
erant fátuæ, et quinque pru-  
dentes: sed quinque fátuæ, ac-  
céptis lampádibus, non sump-  
sérunt óleum secum: prudé-  
ntes vero accepérunt óleum in  
vasis suis cum lampádibus.  
Moram autem faciénte sponso,  
dormitavérunt omnes et dor-  
miérunt. Média autem nocte  
clamor factus est: Ecce, spon-  
sus venit, exíte óbviā ei.  
Tunc surrexérunt omnes vír-  
gines illæ, et ornavérunt lám-  
pades suas. Fátuæ autem sa-  
piéntibus dixérunt: Date nobis  
de óleo vestro: quia lámpades  
nostræ exstinguúntur. Respon-  
dérunt prudéntes, dicéntes: Ne  
forte non sufficiat nobis et vo-  
bis, ite pótius ad vendéntes, et  
émite vobis. Dum autem irent  
émere, venit sponsus; et quæ  
parátæ erant, intravérunt cum  
eo ad núptias, et clausa est  
iánua. Novíssime vero véniant  
et réliquæ vírgines, dicéntes:

Dómine, Dómine, áperi nobis.  
At ille respóndens, ait: Amen,  
dico vobis, néscio vos. Vigi-  
láte itaque, quia nescítis diem  
neque horam.

## Antiphona ad Offertorium

Ps. 41, 2 et 3

Quemádmodum desíderat cer-  
vus ad fontes aquárum, ita de-  
síderat ánima mea ad te, Deus.  
Sitívit ánima mea ad Deum  
fortem vivum.

## Secreta

**S**anctæ Hildegárdis Vírginis  
tuæ festa recoléntes, preces  
offérimus et hóstias immolá-  
mus: præsta, quæsumus, Dó-  
mine; ut, cum præsídio tem-  
poráli, vitæ nobis præbeant  
increménta perpétuæ. Per Dó-  
minum nostrum.

## Pro Impressione

Ss. Stigmatum S. Francisci

## Secreta

Múnera tibi, Dómine, dicáta  
sanctifica: et, intercedénte be-  
áto Francisco, ab omni nos cul-  
párum labe purifica. Per Dñm.

## Antiphona ad Communionem

Philipp. 1, 20 et 21

Magnificábitur Christus in cór-  
pore meo, sive per vitam, sive  
per mortem: mihi enim vivere  
Christus est, et mori lucrum.

## Postcommunio

Perpétuo, Dómine, favóre  
proséquere, quos réficiis di-  
víno mystério: et quos imbuisti  
cælestibus institútis; eósdem,  
intercedénte beáta Hildegárde  
Vírgine tua, salutáribus comi-  
táre soláciis. Per Dóminum  
nostrum Iesum Christum Fí-  
lium tuum, qui tecum vivit.

Pro Impressione  
Ss. Stigmatum S. Francisci

## Postcommunio

Deus, qui mira Crucis mystéria  
in beáto Francisco Confessóre  
tuo multifórmiter demonstrá-  
sti: da nobis, quæsumus; devo-  
tiónis suæ semper exémpla sec-  
tári, et assídua eiúsdem Crucis  
meditatióne muníri. Per Dó-  
minum nostrum Iesum Chri-  
stum Fílium tuum, qui tecum  
vivit et regnat.

Die 27 septembris  
In Civitate Essendiensi:

SS. COSMÆ  
ET DAMIANI MM.

Patronorum principalium  
Civitatis

I classis

In díceesi: III classis

Ut in Missali hac die. Credo.

Die 11 octobris  
**BEATÆ MARIÆ VIRG.  
 BONI CONSILII MATRIS  
 VULGO DOMINÆ  
 NOSTRÆ AUREÆ**  
 Patronæ principalis Diœcesis  
 I classis

**A**ntiphona ad Introitum  
**S**alus populi ego sum, dicit  
 Dóminus: de quacumque  
 tribulatiōne clamáverint  
 ad me, exáudiam eos: et ero il-  
 lorum Dóminus in perpétuum.  
 Ps. 77, 1 Atténdite, popule  
 meus, legem meam: inclináte  
 aurem vestram in verba oris  
 mei. **V.** Glória Patri.

Oratio

**D**eus, qui Genetricem diléc-  
 ti Filii tui, matrem nobis  
 dedísti, eiúsque áuream effí-  
 giem clarificáre dignátus es:  
 concéde, quæsumus; ut eiús-  
 dem móntis iúgiter inhærén-  
 tes, secúndum cor tuum vívere  
 valeámus. Per eúndem Dómi-  
 num nostrum.

Léctio Actuum Apostolórum  
 Act. 1, 13-14

**I**n diébus illis, cum introíssent  
 in cenáculum, ascendérunt,  
 ubi manébant Petrus, et Ioán-  
 nes, Iacóbus, et Andréas, Phil-

íppus, et Thomas, Bartholo-  
 mæus, et Matthæus, Iacóbus  
 Alphæi, et Simon Zelótes, et  
 Iudas Iacóbi. Hi omnes erant  
 perseverántes unanimiter in  
 oratiōne cum muliéribus, et  
 María matre Iesu, et frátribus  
 eius.

**G**raduale **P**rov. 8, 12 et 34  
 Ego sapiéntia hábito in consí-  
 lio et eruditis intérsu cogita-  
 tionibus. **V.** Beátus homo qui  
 audit me, et vigilat ad fores  
 meas cotidie, et obsérvat ad  
 postes óstii mei.

**A**llelúia, allelúia. **V.** **I**bid., 35  
 Qui me invénerit, invéniat vi-  
 tam, et háuriat salútem a Dó-  
 mino. Allelúia.

In Missis votivis post Septua-  
 gesimam, omissis Allelúia et  
 versu sequenti, dicitur

Tractus

Sub tuum præsidium confúgi-  
 mus, sancta Dei Génetrix. **V.**  
 Súscipe nos, Mater nostra, Re-  
 gína nostra: roga Fílium tuum,  
 Dóminum messis, ut mittat  
 operários in messem suam. **V.**  
 Ut confiteántur illi populi om-  
 nes, ac beátam te dicant omnes  
 generatiōnes. **V.** Tu véniæ ve-  
 na, tu grátiæ mater, tu spes  
 mundi, exáudi nos, clamántes  
 ad te.

Tempore autem paschali omit-  
titur graduale, et eius loco di-  
citur:

Alleluia, alleluia. V. Luc. 1, 28  
Ave, María, grátia plena: Dó-  
minus tecum: benedicta tu in  
muliéribus. Alleluia. V. Per te,  
Dei Génetrix, nobis est vita  
pérdita data, quæ de cælo sus-  
cepisti prolem, et mundo ge-  
nuísti Salvatórem. Alleluia.

+ Sequéntia sancti Evangélii  
secúndum Ioánnem  
Ioann. 2, 1-11

In illo témpore: Núptiæ factæ  
sunt in Cana Galilææ: et erat  
Mater Iesu ibi. Vocátus est  
autem et Iesus, et discípuli  
eius ad núptias. Et deficiénte  
vino, dicit Mater Iesu ad eum:  
Vinum non habent. Et dicit ei  
Iesus: Quid mihi et tibi est,  
múlier? nondum venit hora  
mea. Dicit Mater eius ministris:  
Quodcúmque dixerit vobis,  
fácite. Erant autem ibi lapideæ  
hýdriæ sex pósitæ secúndum  
purificationem Iudæórum, ca-  
piéntes singulæ metrétas binas  
vel ternas. Dicit eis Iesus: Im-  
pléte hýdrias aqua. Et imple-  
vérunt eas usque ad summum.  
Et dicit eis Iesus: Hauríte  
nunc, et ferte architriclino. Et  
tulérunt. Ut autem gustávit

architriclínus aquam vinum  
factam, et non sciébat unde  
esset, ministri autem sciébant,  
qui háuserant aquam: vocat  
sponsum architriclínus, et di-  
cit ei: Omnis homo primum bo-  
num vinum ponit: et cum ine-  
briáti fúerint, tunc id, quod  
detérius est. Tu autem servá-  
sti bonum vinum usque adhuc.  
Hoc fecit initium signórum Ie-  
sus in Cana Galilææ: et mani-  
festávit glóriam suam, et cre-  
didérunt in eum discípuli eius.  
Credo.

Antiphona ad Offertorium  
Ps. 118, 4-5

Tu mandásti, mandáta tua cu-  
stodíri nimis: útinam dirigán-  
tur viæ meæ ad custodiéndas  
iustificátiones tuas.

Secreta

Sanctifica, Dómine, quæsu-  
mus, oblata libámina: et  
beátæ Dei Genetrix Mariæ,  
Boni Consilii Matris, salubér-  
rima intercessióne, nobis salu-  
tária fore concéde. Per eún-  
dem Dóminum nostrum Iesum  
Christum Filium tuum, qui te-  
cum vivit et regnat in unitáte  
Spíritus Sancti.

Præfatio de B. Maria Virgine  
Et te in festivitáte.

Antiphona ad Communionem  
Prov. 8, 34-35

Beatus, qui audit me, et qui  
vigilat ad fores meas cotidie,  
et obsérvat ad postes óstii mei.  
Qui me invénerit, invéniet vi-  
tam, et háuriet salútem a Dó-  
mino.

## Postcommunio

**A**diuvet nos, quæsumus, Dó-  
mine, gloriósæ tuæ Gene-  
trícis sempérque Vírginis Ma-  
riæ, Matris Boni Consílii, in-  
tercéssio veneránda: ut, quos  
perpéuis cumulávit benefíciis;  
ea quæ agénda sunt iúgiter vi-  
dere fáciat, et ad implénda  
quæ viderint convaléscere: Qui  
vivis.

Die 12 octobris  
MATERNITATIS  
BEATÆ MARIÆ VIRG.

II classis

Ut in Missali die 11.

Die 22 octobris  
SS. EWALDORUM  
MARTYRUM

III classis

Antiphona ad Introitum  
Ps. 33, 20-21

**M**ultæ tribulatiónes iu-  
storum, et de his óm-  
nibus liberávit eos  
Dóminus: Dóminus custódit

ómnia ossa eórum: unum ex  
his non conterétur. Ps. ibid., 2  
Benedicam Dóminum in omni  
témpore: semper laus eius in  
ore meo.

V. Glória Patri.

## Oratio

**S**anctórum Mártyrum tuórum  
Ewaldórum nos, Dómine,  
fóveat pretiosa conféssio: et  
pia iúgiter intercéssio tueátur.  
Per Dóminum nostrum.

Léctio libri Sapiéntiæ  
Eccli. 44, 10-15

**H**i viri misericórdiæ sunt,  
quorum pietátes non de-  
fuérunt: cum sémine eórum  
pémanent bona, heréditas  
sancta nepótes eórum, et in  
testaméntis stetit, semen eó-  
rum: et filii eórum propter illos  
usque in ætérnum manent: se-  
men eórum et glória eórum non  
derelinquéatur. Córpora ipsó-  
rum in pace sepúlta sunt, et  
nomen eórum vivit in genera-  
tióne et generatióne. Sa-  
piéntiam ipsórum narrent pó-  
puli, et laudem eórum núnctiet  
Ecclésia.

Graduale                    Ps. 33, 10  
Timéte Dóminum, omnes Sanc-  
ti eius: quóniam nihil deest ti-  
mémentibus eum. V. Ps. ibid., 11

Inquiréntes autem Dóminum,  
non defícient omni bono.

Allelúia, allelúia. V. Ps. 31, 11  
Lætámini in Dómino et exsul-  
tate, iusti: et gloriámini, omnes  
recti corde. Allelúia.

**+** Sequéntia sancti Evangélii  
secúndum Mattháeum  
Matth. 10, 16-22

**I**n illo témpore: Dixit Iesus discípulis suis: Ecce, ego mitto vos sicut oves in médio lupórum. Estóte ergo prudéntes sicut serpentes, et símpli- ces sicut colúmbæ. Cavéte autem ab homínibus. Tradent enim vos in concíliis, et in synagógis suis flagellábunt vos: et ad præsides et ad reges du- cémini propter me in testimónium illis et géntibus. Cum autem tradent vos, nolite cogitáre, quómodo aut quid loquámini: dábitur enim vobis in illa hora, quid loquámini. Non enim vos estis, qui loquimini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos affícient: et éritis ódio ómnibus propter nomen meum: qui autem perseveráverit usque in finem, hic salvus erit.

Antiphona ad Offertorium  
Ps. 67, 36

Mirábilis Deus in Sanctis suis:  
Deus Israel, ipse dabit virtú-  
tem et fortitúdinem plebi suæ:  
benedictus Deus.

Secreta

**B**enedictio tua, Dómine, larga descéndat: quæ et múnera nostra, deprecántibus sanctis Martýribus tuis, tibi reddat accépta, et nobis sacramén- tum redemptiónis efficiat. Per Dóminum nostrum Iesum Chri- stum Filium tuum, qui tecum vivit et regnat in unitáte Spíri- tus Sancti, Deus.

Antiphona ad Communionem  
Ioann. 15, 16

Ego vos elégi de mundo, et pó-  
sui vos, ut eátis et fructum affe-  
rátis, et fructus vester máneat.

Postcommunio

**C**ælestibus refécti sacra-  
méntis et gáudiis, súpli-  
ces te, Dómine, deprecámur:  
ut, quorum gloriámur triúm-  
phis, protegámur auxiliis. Per  
Dóminum nostrum Iesum Chri-  
stum Filium tuum, qui tecum  
vivit et regnat in unitáte Spíri-  
tus Sancti, Deus.

Die 7 novembris  
S. ENGELBERTI  
EP. ET MART.

III classis

Antiphona ad Introitum  
Eccli. 45, 30

**S**táruit ei Dóminus testamén-  
tum pacis, et príncipem  
fecit eum: ut sit illi sacer-  
dótii dígnitas in æténum. Ps.  
131, 1 Meménto, Dómine, Da-  
vid: et omnis mansuetúdinis  
eius. **V.** Glória Patri.

Oratio

**D**eus, pro cuius Ecclésia glo-  
riósus Póntifex Engel-  
bértus gládiis impiórum occú-  
buit: præsta, quásumus; ut  
omnes, qui eius implórant au-  
xílum, petitiónis suæ salutá-  
rem consequántur efféctum.  
Per Dóminum nostrum.

Léctio Epístolæ  
beáti Pauli Apóstoli  
ad Hebráeos  
Hebr. 5, 1-6

**F**rátres: Omnis póntifex ex  
homínibus assúmptus, pro  
hominibus constitúitur in iis,  
quæ sunt ad Deum, ut ófferat  
dona et sacrificia pro peccátis:  
qui condolére possit iis, qui  
ignórant et errant: quóniam

et ipse, circúmdatus est infir-  
mitáte: et proptérea debet,  
quemádmodum pro pópulo, ita  
étiam et pro semetípsو offérre  
pro peccátis. Nec quisquam  
sumit sibi honórem, sed qui  
vocátur a Deo, tamquam  
Aaron. Sic et Christus non se-  
metípsum clarificávit, ut pón-  
tifex fieret; sed qui locútus est  
ad eum: Fílius meus es tu, ego  
hódie gérite. Quemádmodum  
et in álio loco dicit: Tu es sa-  
cérdos in æténum, secúndum  
órdinem Melchisedech.

Graduale                    Eccli. 44, 16  
Ecce sacérdos magnus, qui in  
diébus suis plácuit Deo. **V.**  
Ibid., 20 Non est invéntus sí-  
milis illi, qui conserváret legem  
Excélsi.

Allelúia, allelúia. **V.** Ioann. 10,  
14 Ego sum pastor bonus: et  
cognósco oves meas, et cog-  
nóscunt me meæ. Allelúia.

+ Sequéntia sancti Evangélii  
secúndum Ioánnem  
Ioann. 10, 11-16

**I**n illo témpore: Dixit Iesus  
pharisáis: Ego sum pastor  
bonus. Bonus pastor ániam  
suam dat pro óvibus suis. Mer-  
cennárius autem, et qui non est  
pastor, cuius non sunt oves

própriæ, videt lupum veniéntem, et dimittit oves, et fugit: et lupus rapit, et dispérgit oves: mercennárius autem fugit, quia mercennárius est, et non périnet ad eum de óvibus. Ego sum pastor bonus: et cognósco meas, et cognoscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovili: et illas opórtet me addúcere, et vocem meam áudient, et fiet unum ovile et unus pastor.

## Antiphona ad Offertorium

Ps. 20, 4-5

Posuísti, Dómine, in cápite eius corónam de lápide pretioso: vitam pétuit a te, et tribuísti ei.

## Secreta

Múnera tibi, Dómine, dicáta sanctifica: et, intercedénte beáto Engelbérto Már-

tyre tuo atque Pontífice, per éadem nos placátus inténde. Per Dóminum nostrum.

## Antiphona ad Communionem

Ioann. 10, 14

Ego sum pastor bonus: et cognósco oves meas, et cognoscunt me meæ.

## Postcommunio

Hæc nos commúnio, Dómine, purget a crímine: et, intercedénte beáto Engelbérto Mártyre tuo atque Pontífice, cælestis remédii fáciat esse consórtes. Per Dóminum.

## Die 13 novembris

In Ecclesiis consecratis  
Diœcessis, excepta Cathedrali

IN DEDICATIONE  
ECCLESIÆ PROPRIÆ

## I classis

Missa Terribilis, de Communi  
Dedicationis ecclesiæ.

## KALENDARIUM

DECEMBER				SEPTEMBER				OCTOBER			
2 S. Petri Chrysologi Ep. Conf. et Eccl. Doct.	III cl.	1*		23 S. Liborii Ep. et Conf.				III cl.	8*		
com. S. Bibianæ Virg. et Mart.				com. S. Apollinaris Ep. et Mart.							
4 S. Barbaræ Virg. et Mart.	III cl.	1*									
MARTIUS				SEPTMBER				OCTOBER			
1 S. Suitberti Ep. et Conf.	III cl.	1*		13 S. Materni Ep. et Conf.				III cl.	11*		
15 S. Clementis Mariae Hofbauer Conf.	III cl.	1*		17 S. Hildegardis Virg. com. Impressionis				III cl.	13*		
26 S. Ludgeri Ep. et Conf., Patroni secundarii	II cl.	2*		Ss. Stigmatum S. Francisci Conf.							
diœcesis				27 In Civitate Essendiensi: Ss. Cosmae et Da-							
				miani Mart., Patronorum principaliū							
				Civitatis				I cl.	15*		
APRILIS				NOVEMBER				NOVEMBER			
7 S. Hermanni Iosephi Conf.	III cl.	4*		11 Beatæ Mariæ Virginis, Boni Consilii Ma-				III cl.	20*		
22 S. Conradi a Parzham Conf.,	III cl.	4*		tris, vulgo Dominae Nostræ Aureæ, Pa-				I cl.	16*		
com. Ss. Soteris et Caii Pp. et Mart.				tronæ principalis diœcesis				II cl.	18*		
27 S. Petri Canisii Conf. et Eccl. Doct.	II cl.	5*		12 Maternitatis B. M. V.				III cl.	18*		
IUNIUS				22 Ss. Ewaldorum Mart.							
5 S. Bonifatii Ep. et Mart.	II cl.	8*									
IULIUS											
4 S. Udalrici Ep. et Conf.	III cl.	8*									
8 Dedicatio Ecclesiæ Cathedralis	I cl.	8*		7 S. Engelberti Ep. et Mart.							
				13 In Ecclesiis consecratis Diœcesis, excepta							
				Cathedrali: Dedicatio Ecclesiæ proprie				I cl.	21*		

### APPROBATIO

Concordat cum originalibus approbatis.

Essendiae, die 18 februarii 1964

KRAUTSCHEIDT  
Vicarius generalis

### IMPRIMATUR.

Ratisbonæ, die 25 februarii 1964

DR. C. HOFMANN  
Vicarius generalis